

LEMBARAN PENDEDAHAN PRODUK

Tarikh: <tarikh>

Pelanggan yang dihormati,

Lembaran Pendedahan Produk ini menyediakan maklumat penting tentang insurans hayat anda.

Pelanggan-pelanggan lain telah membaca Lembaran Pendedahan Produk ini dan mendapati ia membantu; anda juga harus membacanya.

1 Apa itu Payer Benefit Rider?

Payer Benefit Rider ialah rider pembayaran premium tanpa penyertaan yang mengetepikan bayaran premium polisi asas pada masa hadapan sekiranya Kematian, Hilang Upaya Kekal dan Menyeluruh atau didiagnosis dengan mana-mana satu daripada 36 penyakit-penyakit kritikal yang dilindungi Pemilik Polisi.

2 Ketahui Perlindungan/Manfaat-Manfaat Anda

Sebagai ilustrasi, bagi RM1,001.50* secara tahunan, anda akan menerima perlindungan seperti yang berikut:
 *Premium yang ditunjukkan adalah terpakai untuk lelaki berumur 30 tahun pada hari jadi berikutnya yang tidak merokok, dengan tempoh pembayaran premium selama 40 tahun, tempoh rider selama 40 tahun, Jumlah Diinsuranskan sebanyak RM5,000 dan risiko piawai.

Kematian	RM5,000 akan diketepikan sehingga tamat tempoh rider ini.
Hilang Upaya Kekal dan Menyeluruh	RM5,000 akan diketepikan sehingga tamat tempoh rider ini.
Penyakit Kritikal	RM5,000 akan diketepikan sehingga tamat tempoh rider ini.
Perlindungan Tambahan	Tidak berkenaan.

Penyakit-penyakit kritikal yang dilindungi di bawah rider ini termasuk:

1. Kanser
2. Strok
3. Serangan Jantung
4. Sklerosis Multipel
5. Pembedahan Pintasan Arteri Koronari

KETAHUI LEBIH LANJUT:



Nota: Senarai ini tidak lengkap. Sila baca kontrak tambahan anda untuk maklumat mengenai penyakit-penyakit kritikal yang dilindungi.

Insurans hayat anda tidak termasuk:

- Penyakit yang wujud terlebih dahulu;
- Kecederaan atau penyakit akibat kecederaan yang dilakukan ke atas diri sendiri atau pertarungan, semasa waras atau tidak waras dalam tempoh 13 bulan dari tarikh keluaran atau sebarang tarikh penguatkuasaan semula bagi rider ini, yang mana lebih lewat; dan
- Hilang Upaya Kekal dan Menyeluruh akibat khidmat ketenteraan atau tentera laut dalam masa peperangan yang diisytiharkan atau tidak diisytiharkan atau semasa di bawah arahan untuk operasi seakan peperangan atau pemulihan ketenteraman awam.

Nota: Senarai ini tidak menyeluruh. Anda harus rujuk kepada kontrak tambahan bagi senarai pengecualian yang penuh.

Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi MCIS Insurance Berhad atau PIDM (layari www.pidm.gov.my).

MCIS Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Jika anda mempunyai sebarang soalan atau memerlukan bantuan mengenai insurans hayat anda, anda boleh:



Hubungi
03-7652 3388



Email
customerservice@mcis.my

3 Ketahui Tanggungjawab Anda

Bagi insurans hayat anda, anda harus membayar premium sebanyak:

Premium	<jumlah premium> secara <kekerapan> bagi Jumlah Diinsuranskan sebanyak <jumlah>. Premium adalah dikenakan ke atas risiko piawai.
---------	---

Tempoh Rider: <tempoh> tahun Tempoh Pembayaran Premium: <tempoh> tahun

Anda juga perlu membayar yuran-yuran dan caj-caj yang berikut:

Komisen	<peratusan> daripada jumlah premium dibayar atau <jumlah komisen>.
---------	--

- Anda mesti mendedahkan semua fakta penting seperti keadaan perubatan dan menyatakan umur anda dengan betul. Jika tidak, anda mungkin mengalami risiko tuntutan anda ditolak atau rider anda ditamatkan.
- Terma rider dan premium mungkin berbeza bergantung pada keperluan pengunderaitan oleh MCIS Insurance Berhad.
- Premium adalah tidak dijamin. MCIS Insurance Berhad berhak untuk mengubah premium dengan memberikan 3 bulan notis bertulis dahulu.
- Perlindungan penyakit kritikal anda bagi hanya akan bermula jika tiada manifestasi penyakit kritikal dalam tempoh menunggu yang berkenaan. Tempoh menunggu ialah 30 hari dari tarikh keluaran atau tarikh penguatkuasaan semula bagi rider ini, yang mana lebih lewat.
- Rider anda akan luput sekiranya sebarang premium tidak dibayar dalam tempoh tangguh Polisi, melainkan Polisi anda telah memperolehi nilai serahan terjamin.
- Anda boleh mendapatkan maklumat mengenai prosedur tuntutan dan borang-borang yang berkenaan dengan menghubungi MCIS Insurance Berhad.
- Jika anda bertukar polisi anda daripada satu syarikat insurans kepada yang lain atau bertukar daripada satu jenis pelan insurans kepada yang lain, anda mungkin dikenakan terma dan syarat baharu bagi pelan insurans baharu atau oleh syarikat insurans baharu.

Nota: Senarai ini **tidak menyeluruh**. Anda harus rujuk kepada kontrak tambahan bagi senarai terma dan syarat yang penuh.



Bolehkah saya membatalkan rider saya?

Ya, anda boleh membatalkan rider anda dengan memberikan notis bertulis kepada MCIS Insurance Berhad.

- **Tempoh Bertenang:** Anda boleh membatalkan rider anda dalam tempoh 15 hari dari tarikh penghantaran Polisi. MCIS Insurance Berhad akan membayar balik kepada anda premium yang telah dibayar tolak sebarang perbelanjaan perubatan yang dibiayai tanpa faedah.
- **Selepas Tempoh Bertenang:** Jika anda membuat keputusan untuk tidak meneruskan rider anda selepas tempoh bertenang, anda boleh membatalkan dengan menulis kepada MCIS Insurance Berhad.